

Na osnovu člana 23. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, broj: 10/18 – prečišćen tekst) i tačke IV stav (1) Programa o utvrđivanju uslova, kriterija i postupka za raspodjelu sredstava sa pozicije „Podrška razvoju Kantona - potrošačka jedinica 31010003, ekonomski kod 615100 - Kapitalni transferi drugim nivoima vlasti i fondovima“, broj: 02/1-11-17485-1/24 od 19.07.2024. godine i Odluke Vlade Tuzlanskog kantona, broj: 02/1-11-19881/24 od 15.08.2024. godine, Ministarstvo privrede Tuzlanskog kantona, raspisuje

JAVNI POZIV

za kandidovanje projekata za dodjelu sredstava iz Budžeta Tuzlanskog kantona za 2024. godinu u svrhu pružanja podrške jedinicama lokalne samouprave

1. PREDMET JAVNOG POZIVA

Predmet Javnog poziva je kandidovanje projekata jedinica lokalne samouprave koji se nalaze na listi projekata iz Programa javnih investicija Tuzlanskog kantona 2024-2026. godine, u cilju dodjele sredstava iz Budžeta Tuzlanskog kantona za 2024. godinu sa pozicije „Podrška razvoju Kantona - potrošačka jedinica 31010003, ekonomski kod 615100 - Kapitalni transferi drugim nivoima vlasti i fondovima“.

2. NAMJENA SREDSTAVA

Sredstava iz tačke 1. Javnog poziva namijenjena su za finansiranje i/ili sufinansiranje projekata koji će biti implementirani u jedinicama lokalne samouprave na području Tuzlanskog kantona, a koji se odnose na izgradnju nove i/ili rekonstrukciju postojeće infrastrukture i/ili infrastrukturnih objekata javne namjene.

Prihvatljivi su projekti iz područja društvene, javne, komunalne, socijalne, okolišne i privredne infrastrukture, koje su na raspolaganju široj lokalnoj zajednici i čija će realizacija pridonijeti razvoju infrastrukture kao preduslovu za ekonomski razvoj i poboljšan kvalitet života građana lokalnih zajednica u Tuzlanskom kantonu (u daljem tekstu: Kanton).

3. PRAVA I USLOVI ZA DODJELU SREDSTAVA

Pravo na dodjelu sredstava iz tačke 1. Javnog poziva imaju jedinice lokalne samouprave, odnosno gradovi i općine, sa područja Kantona (u daljem tekstu: Korisnici sredstava).

Uslovi koje Korisnici sredstava moraju ispuniti su da:

- Kandiduju najviše dva projekta koji se nalaze na listi projekata iz Programa javnih investicija Tuzlanskog kantona 2024-2026. godina, a koji se nalazi u Ministarstvu privrede Tuzlanskog kantona (u daljnjem tekstu: Ministarstvo privrede) i objavljen je na web stranici Ministarstva privrede: <https://mptk.gov.ba/>;
- Kandiduju projekte čija ukupna vrijednost nije ispod 50.000,00 KM.

4. KRITERIJI ZA IZBOR KORISNIKA SREDSTAVA

Kriteriji za izbor korisnika sredstava su:

- Step en razvijenosti jedinice lokalne samouprave;
- Gustina naseljenosti;
- Stopa zaposlenosti;
- Broj poslovnih subjekata na 1.000 stanovnika;
- Povezanost sa strateškim okvirom u Kantona;
- Step en zrelosti projekta.

Prednost imaju projekti visokog stepena zrelosti i koji su prioritetni za implementaciju, te direktno doprinose boljem kvalitetu života u jedinicama lokalne samouprave.

Podnosioci prijava dužni su u slučaju prijave dva projekta naznačiti koji projekat je prioritetniji u skladu sa stepenom zrelosti.

5. IZNOS SREDSTAVA

Sredstva iz Budžeta Tuzlanskog kantona za 2024. godinu, sa pozicije „Podrška razvoju Kantona“ - potrošačka jedinica 31010003, dodijelit će se kao kapitalni transfer drugim nivoima vlasti i fondovima prema utvrđenim kriterijima za izbor korisnika sredstava.

Sredstva za predmetne namjene dodjeljivati će se korisnicima u maksimalnom iznosu do 300.000,00 KM po svim prijavljenim projektima za područje jedne jedinice lokalne samouprave. Maksimalan udio u finansiranju svakog pojedinačnog projekta iznosi najviše do 80% ukupnih prihvatljivih troškova. Troškovi koji se priznaju odnose se isključivo na direktne troškove nastale realizacijom projekta.

Rangiranje i raspodjela sredstava će se vršiti na osnovu ostvarenog broja bodova podnosioca prijava i u skladu sa raspoloživim sredstvima, na način da će se prvo rangirati i vršiti raspodjela sredstava za projekte koji su naznačeni većim stepenom zrelosti i većim rangom prioriteta, a zatim će se vršiti rangiranje i raspodjela sredstava koji su naznačeni nižim stepenom zrelosti i manjim rangom prioriteta.

U slučaju velikog broja prijava projekata čiji zahtjevi prelaze planirani iznos sredstava iz Budžeta Tuzlanskog kantona za 2024. godinu sa pozicije „Podrška razvoju Kantona - potrošačka jedinica 31010003, ekonomski kod 615100 - Kapitalni transferi drugim nivoima vlasti i fondovima“, Vlada Tuzlanskog kantona može izmijeniti raspodjelu sredstava po pojedinačnim projektima koji ispunjavaju uslove Javnog poziva.

6. NAČIN PRIJAVE I POTREBNA DOKUMENTACIJA

Podnosilac prijave prilikom apliciranja na Javni poziv dostavlja:

a) Obaveznu dokumentaciju:

- Prijavni obrazac pojedinačno za svaki kandidovani projekat sa kojim aplicira (popunjen i ovjeren od strane gradonačelnika/načelnika ili ovlaštene osobe, te ovjeren pečatom JLS), koji se može preuzeti na web stranicama Vlade Tuzlanskog kantona: <http://www.vladatk.gov.ba/> i Ministarstva privrede: <https://mptk.gov.ba/>;
- Predmjer i predračun radova za svaki kandidovani projekat sa kojim aplicira, sa procijenjenom vrijednošću projekta, potpisan i ovjeren od nadležne službe ili izvod iz glavnog projekta koji sadrži predmjer i predračun radova sa projektnom vrijednošću projekta, potpisan i ovjeren od strane projektanta (original ili ovjerena kopija);
- Izjava da se odobrena sredstva neće koristiti za isplatu plaća, naknada i dodataka na plaću zaposlenih i isplatu materijalnih troškova, te troškova koji se ne odnose isključivo na direktne troškove nastale realizacijom projekta, izrađena na memorandumu JLS, potpisana od strane ovlaštenog lica i ovjerena od strane organa uprave; i
- Izjava o realizaciji projekta (dostupna na web stranicama Vlade Tuzlanskog kantona i Ministarstva privrede uz Javni poziv).

b) Dokumentaciju za bodovanje (nije eliminatornog karaktera):

- Kopija pripremljene projektne i tehničke dokumentacije za svaki kandidovani projekat sa kojim aplicira; i
- Kopija relevantne dokumentacije na osnovu koje se može utvrditi održivost projekta nakon završetka implementacije.

Podnosilac prijave popunjava sve rubrike Prijavnog obrasca, zaokružuje ponuđene opcije upita i odgovara za vjerodostojnost svih unesenih podataka. Prijavu potpisuje gradonačelnik/načelnik JLS ili druga osoba koju je ovlastio gradonačelnik/načelnik, a ista se ovjerava pečatom JLS. U slučaju da Prijavu potpisuje druga osoba koju je ovlastio gradonačelnik/načelnik, potrebno je i original ovlaštenja za potpisivanje.

Kandidovani projekti na Javnom pozivu će se razmatrati na osnovu dostavljenog Prijavnog obrasca i priložene dokumentacije. Komisija imenovana od strane Vlade Tuzlanskog kantona, vršit će pregled i ocjenu dostavljenih projekata u skladu sa utvrđenim uslovima i kriterijima.

U svom radu Komisija može, radi što objektivnijeg vrednovanja prijava, zatražiti konsultacije i mišljenja eksperata iz datih oblasti, dostavljanje dokumentacije i dodatnih pojašnjenja od strane podnosioca prijave, te po potrebi izvršiti provjeru prispjelih prijava i dokumenata posredno ili neposredno na licu mjesta.

7. NAČIN DODJELE SREDSTAVA

Evaluacija i odabir korisnika će se vršiti u skladu sa kriterijima i procedurama utvrđenim u Javnom pozivu i Smjernicama za podnosioc prijave. Postupak razmatranja prijave vrši Komisija koju imenuje koju na prijedlog Ministarstva privrede imenuje Vlada Tuzlanskog kantona.

Na osnovu kriterija za bodovanje projekata Komisija vrši bodovanje prispjelih prijava koje ispunjavaju uslove iz Javnog poziva, te će sačiniti prijedlog rang liste korisnika sredstava, na osnovu koje će Ministarstvo privrede izraditi prijedlog odluke o raspodjeli sredstava i dostaviti Vladi Tuzlanskog kantona na razmatranje i utvrđivanje konačne rang listu korisnika sredstava sa iznosima sredstava koji će se doznačiti korisnicima. Konačna lista se objavljuje na web stranici Vlade Tuzlanskog kantona. Komisija također sačinjava i Listu podnosilaca čije su prijave neblagovremene, nepotpune i neosnovane, a koja se objavljuje na web stranici Vlade Tuzlanskog kantona.

Sa odabranim korisnicima zaključiti će se pojedinačni ugovori kojim će se definisati dinamika doznačavanja sredstava, obaveze i odgovornosti ugovornih strana, vidljivost programa, način izvještavanja i pravdanja utrošenih sredstvima, te ostale odredbe od značaja za implementaciju sredstava. Na osnovu pojedinačnih odluka i ugovora doznačavaju se sredstva na transakcijski račun korisnika.

8. OPĆE ODREDBE

Javni poziv se objavljuje u dnevnim novinama „Večernji list BH“ d.o.o. Mostar i na web stranicama Vlade Tuzlanskog kantona i Ministarstva privrede. Prijave se dostavljaju zaključno sa **30.08.2024. godine**, odnosno prihvatit će se prijave koje imaju poštanski pečat najkasnije sa navedenim datumom.

Prijave na javni poziv sa potrebnom dokumentacijom dostavljaju se lično ili poštom preporučeno na sljedeću adresu:

MINISTARSTVO PRIVREDE TUZLANSKOG KANTONA

Centralna pisarnica Vlade Tuzlanskog kantona

Fra Grge Martića br. 8, 75000 Tuzla

sa naznakom: „**Prijava na Javni poziv za kandidovanje projekata za dodjelu sredstava iz Budžeta Tuzlanskog kantona za 2024. godinu u svrhu pružanja podrške jedinicama lokalne samouprave – NE OTVARAJ**”.

Na poledini koverta potrebno je navesti:

- Naziv podnosioca prijave;
- Adresu i kontakt telefon;
- Ovjeriti pečatom podnosioca prijave.

Nepotpune, neuredne i neblagovremene prijave neće biti predmet daljeg razmatranja.

9. OSTALE ODREDBE

Na web stranicama Vlade Tuzlanskog Kantona: <http://www.vladatk.gov.ba/> i Ministarstva privrede: <https://mptk.gov.ba/> bit će objavljen:

- 1) **JAVNI POZIV** za kandidovanje projekata za dodjelu sredstava iz Budžeta Tuzlanskog kantona za 2024. godinu u svrhu pružanja podrške jedinicama lokalne samouprave;
- 2) **SMJERNICE** za podnosiocce prijava;
- 3) **PRIJAVNI OBRAZAC** za kandidovanje projekta;
- 4) **IZJAVA** o realizaciji projekta.

Format izvještaja će se moći preuzeti nakon zaključenja ugovora na web stranicama Vlade Tuzlanskog Kantona: <http://www.vladatk.gov.ba/> i Ministarstva privrede: <https://mptk.gov.ba/>.

Napomena:

- Sredstva iz ovog Javnog poziva neće se dodijeliti za projekte koji se ne nalaze na listi projekata Programa javnih investicija Tuzlanskog kantona 2024-2026. godine.
- Sredstva iz Javnog poziva neće se dodijeliti za isplatu plaća, naknada i dodatka za plaću zaposlenih te isplatu materijalnih troškova, kao ni za sve druge troškove koji se ne odnose isključivo na direktne troškove nastale realizacijom projekta.
- U postupku javnog oglašavanja Ministarstvo privrede ne snosi nikakve troškove učesnicima na Javnom pozivu, te zadržava pravo da poništi Javni poziv.
- Prispjela dokumentacija po Javnom pozivu se neće vraćati.
- U slučaju nedostatka sredstava u Budžetu Tuzlanskog kantona obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- Vidljivost projekta će se precizirati odredbama ugovora o implementaciji dodijeljenih sredstava.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo privrede
Broj: 03/1-11-19881-1/24
Tuzla, 19.08.2024. godine

MINISTAR

Edin Duraković, dipl. pravnik